



Ilinniartitaanermut, Kultureqarnermut,  
Ilisimatusarnermut Ilageeqarnermullu  
Naalakkersuisoq  
/Maani

Ulloq: 26. oktober 2015

J.nr.: 01.39.01.05-00056

### **UKA/163 Eqqumiitsuliornermik ingerlatsineq pillugu inatsisartut inatsisissaattut siunnersuut pillugu Naalakkersuisumut allakktigut apeqquteqaati**

Kultureqarnermut, Ilinniartitaanermut Ilisimatusarnermut Ilageeqarnermullu ataatsimiititaliap Imm. 163-mik Eqqumiitsuliornermik ingerlatsineq pillugu inatsisartut inatsisissaattut siunnersuummik suliarinninnerminut atatillugu paasissutaasinnaasunik arlalinnik apeqqutissaqaqqippoq. Apeqqutit taakku Inatsisartut Peqqussutaata nr. 10. 2002-meersup aamma inatsisissap atuutilerneranit ikaarsaariarnermi siunnersuutip nalinginnaasumik oqaaseqaatitaanut tunngassuteqarput

Siunnersuutip oqaaseqaataani nalinginnaasuni § 23-mi siunnersuutip atuutilerfissaata ullulerneqarnera naapertorlugu siunnersuummi ikaarsaariarnermut aalajangersimasunik aalajangersagaqanngilaq:

#### *“§ 23-mut*

*Aalajangersakkami siunnersuutip atuutilerfissaa allaqqavoq, inatsisip akuerineqarfissaatut ilimagisaasup kingornagut ullulerneqartoq.*

*Inatsisitigut allatigut malittarisassaliornermut tunngatillugu naatsorsuutigineqarpoq kulturikkut ingerlatsineq sunngiffimmilu sammisaqartitsineq pillugit Inatsisartut peqqussutaat kulturimut tunngasut pillugit inatsimmik sinaakkusiussamik akuersissuteqartoqarneratigut atorunnaarsinneqassasoq. Peqqussummi aalajangersakkat eqqumiitsuliornermut tunngasut, atorunnaarsitsinissap tungaanut inatsimmi matumani malittarisassat naapertorlugit nassuiarneqartassapput. Malittarisassatigut akerleriiffiujunnartut nassuiaanermi tunngaviit nalinginnaasut naapertorlugit nassuiarneqartassapput, tamatumunnga ilanngullugit tunngaviit lex specialis aamma lex superior.*

*Isiginnaartitsinikkut eqqumiitsuliornermut tunngatillugu immikkut malittarisassaqaqarpoq isiginnaartitsisarfeqarneq pillugu inatsimmi, taamatullu eqqumiitsuliornermik ilinniartimmut tunngatillugu. Malittarisassat taakku atorunnaarsinnissaat siunertamut naapertuuttut isigineqanngilaq, nalunaarutit ilusilikkanik, malittarisassanik atuuttunik taarsiisunik, immikkut malittarisassaliorortoqarsimatinnagu. Pisariaqarfiatigut inatsisit taaneqartut tamanna pillugu immikkut inatsisiliornikkut atorunnaarsinneqartussaassapput.”*

Inatsisitigut tunngavigineqartunut ataatsimiititaliaq paasinnippoq, taamaattorli siunnersuutip matuma atuutilernissaanut aamma kultureqarnermut Sunngiffimmilu

sammisassaqtitsinermut Peqqussummut sanilliullugu misissoqqissaarneqartariaqartoq ataatsimiititaliaq isumaqarpoq.

Taamaattumik apeqqutit makku akissuteqarfigineqarnissaat ataatsimiititaliamit qinnutigineqarpoq:

### **Inuttaasunut ataasikkaanut tunngatillugu**

Naatsorsuutigineqassaaq inunnut matuminnga siunnersuummik atuisuulersussanut qanoq kultureqarnermut sunngiffimmullu peqqussutip imaluunniit eqqumiitsuliornermut inatsisip aalajangersagartaani eqqumiitsuliornermi atuisinnaanissaminut inatsisitigut pisinnaasaasa amigaateqarnissaat.

1. Inatsisit taakku marluk pillugit inuttaasut ilitsersorneqrnissamut pisariaqartitsilissagaluarnik qanoq sumilu ingerlanneqarnissaa Naalakkersuisunit naatsorsuutigineqarpa?
2. Inatsisitigut pisinnaatitaaffiit aammalu Eqqumiitsuliornermik ingerlatsineq pillugu inatsisartut inatsisissaannik atuisuusussat, eqqumiitsuliornermut inatsisip nutaap aamma kultureqarmut sunngiffimmilu sammisassaqtitsinermut peqqussutip pisoqqap arlaat atussanerlugu nammineq inatsisitigut misissuisarnissaat Naalakkersuisunit pissusissamisoortutut isigineqarpa? ?

### **Kommunit pillugit**

Eqqumiitsuliornermik ingerlatsineq pillugu inatsisartut inatsisissaat akuerineqassappat kommunit sulinerminni Eqqumiitsuliornermik ingerlatsineq pillugu inatsisartut inatsisissaat aamma kultureqarnermut sunngiffimmilu sammisassaqtitsinermi peqqussutaat ingerlaavartumik kommunit sulinerminni tunngavigisartussaavaat.

3. Inatsisissap akuersissutigineqarnerani inatsimmi tunngavigineqartut nalilersortarnissaasa pisariaqartinneqarnerat naapertorlugu kommunit sullissinerata annertusisussaananeramik isumaqarnera Naalakkersuisut nalilersussagaat ataatsimiititaliamit qinnutigineqarpoq?
4. Kommunit sullissineranni inatsisit taakku marluk akornanni allassimasunik ingerlaavartunik paasiniaasaqattaartarnissaq Naalakkersuisunut pissusissamisoortutut isigineqarpa?

### **Eqqumiitsuliornermut tunngasunik sullissineq pillugu**

Allaffissornermi ileqqorissaarnissamut pingaartitsinerup saniatigut Kommunit Naalakkersuisullu sullissinermut atatillugu piffissamik malinnittarnissaat soorunami ataatsimiititaliamit ilimagineqarpoq, Udvalget.

5. Inatsisit taakku marluk allassimaneramik ingerlaavartumik tamatigoortumillu paasiniaasaqattaarnerup sullissinerup maannakkut sullissinermut sanilliullugu sivisunerunissaanik Naalakkersuisunit nalilerneqarpa?
  - a. Namminersorlutik Oqartussanut?
  - b. kommuninut?

Kultureqarnermut, Ilinniartitaanermut Iisimatusarnermut Ilageeqarnermullu Ataatsimiititaliap allakkatigut Naalackersuisumut apeqquteqaatigisaanut akissuteqaatit ataatsimiititaliap allattaaanut Rikke Frederiksen, mailikkut [rifre@ina.gl](mailto:rifre@ina.gl) - mut kingusinnerpaamik ulloq 29. oktober 2015 nassiunneqassaaq.

**Inuulluaqqusillunga**



Peter Olsen

Ataatsimiititaliamut siulittaasup tullia